



Camera di Commercio
Oristano

**Expo milano, contributos a impresas pro progetos de internatzionalizatzione.
Domandas intro su 30 de austu**

18 de maju 2015



**UFFITZU DE SA LIMBA E
DE SA CULTURA SARDA**
PROVINTZIA DE ARISTANIS

S'Assessoradu de su Turismu, artigianadu e cummèrtziu faghet ischire chi si podent presentare sas **domandas pro sa cuntzessione de contributos** a agregatziones de impresas chi cherent propònnere **progetos chi favoessant s'internatzionalizatzione de sas impresas sardas** in occasione de s'Esposizione universale de Milano 2015 (Expo 2015).

Sa finalidade est cussa de sustènnere sa promotzione de sas impresas artigianales sardas in sos mercados foras dae s'Itàlia favoessende s'agregatzione cun istrumentos idòneos a produrre efetos chi durent in su tempus, non limitados ebbia a su tempus de abertura de s'esposizione universale, tràmite mesuras de sustegnu pro sas impresas, in forma de agiudu in regime de *minimis* pro progetos coerentes in s'àmbitu de s'istrategia "**Sardigna ìsula de sa calidade de sa vida**".

Sas domandas de giuadamentu depent èssere trasmitidas **dae su 4 de làmpadas fintzas a s'agabbu de sas risorsas a disponimentu** e in ogni modu **non prus a tardu de su 30 de austu 2015** tràmite posta eletrònica tzertificada (pec) a s'indiritzu: turismo@pec.regione.sardegna.it

A intro de 5 dies dae chi s'est mandada sa pec, sa domanda imprentada e firmada in originale depet èssere trasmitida, paris cun unu cd-rom tràmite racumandada o tràmite curreri *espresso* cun avisu de retzida a custu indiritzu:

*Assessoradu de su turismu, artigianadu e cummèrtziu
Servìtziu sustegnu a sas impresas
Viale Trieste 105, 09123 Casteddu*

Àteros crarimentos s'ant a pòdere pedire tràmite sa posta eletrònica a s'indiritzu:
tur.sostegnoimprese@regione.sardegna.it